

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Articulus I. An Angelus aliqua obiecta semper, aut plura simul intelligatß

---

[urn:nbn:de:hbz:466:1-73455](#)

curfus, qui tamen ipsi debetur ad cognitionem aliorum entium & effectuum naturalium. Aut est debitus; & tunc sequeretur, quod DEUS Angelis etiam Beatis inferret perpetuam violentiam, denegando conculum debitum ad objecti proportionati cognitionem. Sed neque ex defectu speciei representantis, ut docent Suarez & Arrabal; non enim Angelus objectorum naturaliter à se cognoscibilium species successivè acquirit, sed habet illas simul ab initio creationis insulas: atque ad cognoscendam Angeli operationem non egerat alia specie, quam quæ ipsam Angeli essentiam representant, velut infra (ubi de Angelorum locutione) dicuntur.

Oritur ergo hæc oculatio ex intrinseca impotenti cognoscendi, è quod secreta cordium nec ad ipsum Angelum, neque ad ordinem universi, adeoque nec ad objectum proportionatum Angelica cognitionis pertincent, priusquam ad ipsum Angelum dirigantur: hæc quippe posita directione jam Angelo jux ad illorum cognitionem acquiritur, illaque latitudinem objecti Angelici ingrediuntur.

Inferes secundò. Angelos non cognoscere naturaliter myteria gratiæ: tum quia sunt altioris & supernaturalis ordinis, ac proinde excedunt proportionem cuiuslibet creati intellectus; tum quia si Angelus alterius Angeli cogitationes non novit, quia istæ à libera ejus voluntate depen-

dent, multo minus potest naturaliter intelligere illa myteria, que ex sola DEI voluntate dependent; qua de causa Apost. 1. Corinth. 2. que sunt hominis, inquit, nemo novit, nisi Spiritus homini, qui in ipso est: ita & que sunt DEI, nemo novit nisi Spiritus DEI.

Inferes tertio. Ab Angelo cognosci species aliorum Angeli intellectui insulas, & habitus immo ipsius intellectum aut voluntatem producunt.

Ratio est: quod species & habitus sunt accidentia, quibus Physica & naturalis virtus Angelii necessariò modò perficitur & informatur; igitur habent se per modum naturæ, & pertinent ad integrationem & ornatum Universi: Sed que tal modo le habent, pertinent ad ad objectum proportionatum cognitionis Angelicæ: ergo.

Verum, cognoscuntne etiam nostros habitus liberi actibus acquisitos? Respondere affirmativam & isti semel producunt per modum forma naturalis potentias animæ perficiunt, vel informant. Nec refert, quod Angelus possit exinde devenire in cognitionem nostræ actus liberis, quia hoc modo Angelus non cognoscit actum liberum in seipso, & prout egreditur à voluntate, sed solum in aliquo effectu, & signo naturali, quod non est in conveniens: cum hoc modo actus internos esse rumque intentionem cognoscere possit ex actibus externis.

## DISPUTATIO XXXI.

DE

### Modo cognitionis Angelicæ.

Ad q. 58.

**V**idimus cum S. D. quidditatem, medium, & objectum cognitionis Angelicæ. Superest, ut & modum, quo objecta cognoscit, disquiramus: ad hunc portantur duratio, unitas & simplicitas Angelicæ cognitionis, de quibus sit

### ARTICULUS I.

*An Angelus aliqua objecta semper, aut plura simul intelligat?*

SUMMARIA.

1. Angelus semper est in actu secundo cognoscendi seipsum.
2. Et DEV M tanquam terminum sua dependentie.
3. Alio objecta non semper actu cognoscit.
4. Quid sit cognoscere multa ut multa?
5. Angelus non cognoscit simul multa ut multa.
6. Potest intelligere simul plura diversi ordinis.
7. Disparitas inter plures species in actu primo, & intellections in actu secundo.
8. Quinam habitus in intellectu Angelico admitti possint?

#### §. I.

*Resolvitur prima pars questi.*

1. **Q**uestio solum movetur de naturali Angeli cognitione. Nam beatificâ visione divinam essentiam à Beatis Angelis jugiter intelligi

aliunde constat) Et ad primæ partis resolutionem sit

**CONCLUSIO** Intellectus Angelij (1.) s; & (2.) DEV M semper actu cognoscit: (3.) non tempore alia objecta.

Prima pars probatur. Omne vivens tempore est in actu alicuius operationis vitalis sibi carnaturali, & radice aliarum operationum: ergo & Angelus. Sed non est aliqua operario carnaturalior Angelo tanquam substantia intellectus, quæque sit aliarum radix, quæm cognitio suipiusnam & objectum carnaturalissimum est ipso sua essentia, eaque se ipsam intellectui per modum speciei identidem representat; & ex cognitione sua substantia Angelus ad aliorum quoque cognitionem determinatur: ergo.

Secunda pars probatur. Cognitio comprehensiva effectus etiam attingit causam: ergo cognitione

gione comprehensivâ, quâ Angelus perpetuâ cognoscit seipsum, etiam per perpetuo cognoscit DEUM, ut lui causam.

Tertia partis ratio est primò. Quod multa sunt objecta, qua defectu existentia in actu secundo non temper, sed solum successivè, quo modo in rerum natura ponuntur, Angelo representantur. Secundo. Quia species subjiciuntur libero aui & applicationi ipsius Angelii. Unde potest illas ad hujus vel illius objecti representationem quoties, quomodo, & quando vult, applicare.

## §. II.

## Resolvitur altera pars questi.

Pro alterius questi resolutione præmittendum: sensum esse, an Angelus possit objecta non tantum in se & materialiter multa, sed etiam formaliter, & ut multa sunt, simul intelligere. Quod tunc demum fieret, si plures objecta, vel plures cognitiones Angelii ad se non subordinarentur: objecta quippe inter se coordinata (ut pater in scientiis) unum formaliter objectum; cognitiones quoque subordinatae unam formaliter cognitionem constituant, juxta illud: Ubi est unum propter aliud, ibi est unum tantum. Hoc posito.

CONCLUSIO. Angelus non potest intelligere multa ut multa. S. D. hic a. 2. Ratio est. Angelus vel intelligeret multa ut multa per unum actu, vel per plures. Neutrino potest dici. Non per unum actu, quia scit ad unitatem motus requiritur unitas termini, ita ad unitatem operationis requiritur unitas objecti; sed objectum non est unum ex hypothesi ergo nec operatio. Non etiam per plures actus: quia idem subjectum vel potentia simul in actu perfecto pluribus formis adequatis, & ultimis aequalitatibus ejusdem ordinis & generis completi non potest, ut ex Philosophia supponitur; sed intellectio est ultima actualitas, & terminus potentiae intellectivæ; ergo intellectus plures actu intellectionis ejusdem ordinis & generis simul elicere non potest.

Dixi ejusdem ordinis & generis. Nihil enim dicit, quin Angelus simul plures cognitiones subordinatas de objectis diversi ordinis itidem inter se coordinatis possit elicere. Ita Angelus de facto DEUM intelligit per beatissimam visionem, sese per suam substantiam, & alia à se per species superadditas; quia cognitiones non minùs, quam objecta ipsarū, cum inter se sint coordinatis, ideo Angelus non plura, ut plura, sed per modū unius censetur cognoscere. Species quippe & cognitiones inferiores subordinantur superioribus, veluti ope-

rationes sensuum externorum subordinantur operationi sensus interni; & species superior eminenter in se continens inferiorem est ratio determinativa ad usum speciei inferioris. Atqui Essentia Divina, nec non propria essentia Angelii est species superior in se eminenter continens species intelligibiles infusas: ergo Angelus Divinam essentiam clare videns, & seipsum comprehendens, exinde ad usum aliarum speciesum intelligibilium, ac variorum objectorum cognitionem simul & item determinati potest.

Hinc etiam dabis disparitatis rationem, cur Angelus plures species intelligibiles in actu primo, non item plures cognitiones adæquatas in actu secundo habere possit.

Ratio enim est: quod species intelligibiles in actu primo habeant se per modum habitus & formæ incompletae; intellectiones vero per modum ultime actualitatis: non est autem inconveniens, plures formas incompletas concurrere ad unum principium totale complendum: est vero absurdum, dari ejusdem potentie plures terminos completos & ultimatos, ejusdem ordinis & rationis, dum quilibet corum esset, & non esset ultimus, seu adæquatus.

Quæres, utrum in intellectu Angelico dentur habitus? Respondeo. Nullos dati habitus (1.) scientiarum, vel artium: dari tamen posse habitus (2.) opinionis & fidei acquisitæ, in ordine ad cognoscenda futura contingenta, & cordium secreta.

Ratio primi est, quod habitus scientifici dantur ad tollendam difficultatem, quam patitur intellectus in deducendis conclusionibus e suis principiis, & habitus artificiosi ad sublevandam difficultatem, quam patitur idem intellectus in introducione formæ in materiam; sed intellectus Angelicus in neutro patitur difficultatem, quippe qui exactissime penetrat conclusiones in suis principiis, & effectus in causis; optimèque novit, quo modo forma artificialis conveniat suo objecto: ergo.

Ratio secundi est: quia difficultas, quæ repertitur in formidine oppositi, cum afferimur, vel conjecturaliter propter quædam indicia & signa, vel propter autoritatem dicentis, superatur per habitus opinionis & fidei acquisitæ: sed Angelus in sensu circa futura contingenta, vel secreta cordium, quandoque patitur difficultatem, & formidinem oppositi: ergo circa talia objecta habere poterit habitus opinionis & fidei.

## ARTICULUS II.

An Angelus intelligat, discurrendo, componendo, dividendo?

## SUMMARIUM.

1. Exponitur status questionis.
2. Angelus nihil intelligit discurrendo.
3. Considerat conclusiones in principiis.
4. Etiam si specie utatur inadæquate, non tam cognoscere potest illative.
5. Disparitas inter species Angelicas, & anima Christi.
6. Quomodo sine discursu in effectu naturali Angelus cognoscat causam supernaturalem?
7. Quomodo demones in judicando decipi possint?
8. Possetne eadem cognitio respectu diversorum objectorum esse evidens & inevidens, naturalis & supernaturalis?

M m 3

9. Quo-